

eturæ opus adjecit, anno 1230, cujus adhuc rudera visuntur. Situm est ad Lingæ tarde labentis ostium, ad dextram Vahalis ripam, tribus à Schoonhovia leucis. E summa templi turri, inquit Iunius, cœlo sudo & sereno, prospicere & oculis designare licet vicena bina oppida muris cincta, præter pagos innumeros & villas. Vrbs hodie propugnaculis ex arte constructis hostilem vim secuta despicit.

Neoportum.

Schoonhoviæ opponitur ad alteram Leccæ ripam Neoportum, ex oppido factum muni-

cipium mediocri satis, agris tamen fertilissimis superbiens.

Videre hic est *Iselsteinium*, *Asperam*, *Heuclonum*, *Iselstein*, *Leerdamum*, minorum gentium oppidula. Etiam *Aspera*, *Heusdenum* versus ortum, oppidum munitissimum, ac limitaneum; uti & *Worcomium*, extra Hollandiæ fines in Gallica ripa, juris tamen Hollandici, ad Vahalim situm: è regione Loevesteyniam arcem prospectans. Versus Zephyrum in Brabantia solo *Sevenberga* est, *Willemstadum*, conditore Guilielmo Auranfiorum Princeps, *Clundert*, aliaque loca in tabula conspicua.

